

per questo Consejo. Se veramente dicto Colegio non fusse de opinione con i prediti tre zentilhomeni, se debino balotar in quello le opinion de cadauno, et dicti tre zentilhomeni metino le sue balote et balotino, et quello sarà deliberato per i do terzi, sia fermo et valido come se fusse preso per questo Consejo. *Præterea*, abino el cargo de proveder et far subito et *immediate* spazar tutto el ruinazo de la dita insula de Rialto, aziò se possi proveder a la fabrication di quanto sarà expediente. Possino *insuper* comandar et ordinar a tutti per far li antedicti effecti, et li comandamenti et ordeni sui abino quel instesso vigor come se fusseno statuiti per questo Consejo. *Uterius*, perchè potriano occorere diverse differentie circa i confini, i dicti tre zentilhomeni da esser electi abino auctorità de termenar, sumariamente dechiarir, et assignar a cadauno i suo veri confini, con beneficio però de la appellation, la qual se devolvi ai Auditori et a le Quarantie, come se devolvono le altre cause de confino. Posino elezersi dicti tre zentilhomeni che nodari ge pareranno de la cancellaria nostra, et el luogo judicarano a proposito per i signori nodari, scrivani, fanti e ministri de tutti i officii siano tenuti obedirli; *demum* siano obligadi i zentilhomeni antedicti a far con diligentia recuperar i beni et robe existente in quelle ruine, et fazino ben governar el tutto in qualche loco sicuro con particular nota et inventario a luoco per luoco dove serano trovadi essi beni, et *similiter* la quantità et sorte de quelli, sichè i possino esser assignadi a quelli di chi sono, come è conveniente.

De parte 17

De no 1

Sier Alovisius Barbaro.

Sier Sebastianus Michiel, capita de XL.

È cosa conveniente et justa, *imo* più che necessaria proveder a la deputation dei officii et altre cosse dependente da l'incendio seguito; ma per forma che il Colegio nostro implicato in molte importantissime materie non sia per questo caso al continuo impedito, però,

L'anderà parte: che *de præsentis* siano electi 7 zentilhomeni onorevoli nostri per scurtinio de questo Consejo, con tutte le pene, modi et condition contenute in la parte ora lecta; ma quanto aspetta a la autorità, sia dechiarido et preso, che per la mazor parte de essi a bosoli et balote se possi deliberar et proveder, si cerca el deputar de i officii, come del le-

var el ruinazo, et far recuperar con diligentia i beni esistenti nelle ruine predite et tutte altre cose expediente. Et le deliberation farano, siano ferme et valide come se fusseno facte per questo Consejo, azò el Colegio nostro sia libero de le occupation antedictie. Quanto *autem* aspetta al judictio de' confini, possino essi zentilhomeni far sententie, rason et justitia circa a la assignation de quelli, con beneficio de le appellatione, qual se devolvano al Colegio di XX savii deputadi a la apellation de le vendede de le Cazude, con i antiqui modi et condition servade avanti la presente guerra.

† De parte 127.

1513, Die 15 Januarii.

278

El Serenissimo Principe et Illustrissima Signoria, insieme *cum* i signori capi del eccellentissimo Consiglio di X, fa sapere per el presente strittissimo proclama: che tutti, siano de che sorte et qualità esser se vogli, quali hanno, per qualunque via et modo che dir over imaginar se possi, avuto robe, mercantie, danari, arzentì, zoie, panni de lana et seda, specie, sede, over alcuna altra cosa tolta marti de note et il zorno de mercore suseguente de quanto durò el foco in Rialto et altri lochi convicini, et hanno patito danno per causa de esso incendio, vengano effettualmente a denontiar, et *successive* portar a i signor capi de esso eccellentissimo Consiglio per tuto luni proximo, senza timor de alcuna pena, tutte le robe che a qualunque modo i avesseno in le man. E passato el qual termine, se dechiarisse: che avuta la verità, incorrano *immediate* in irremessibel pena de la forza, et *ulterius* se confischeranno tutti i beni sui, *cum* i quali seranno refatti i dannificati. Et è stà commesso che 'l se inquisisca per ogni mezo che dir over imaginar se possa, per esser fatti certi de tutti i delinquenti.

Præterea, se fa saper, che tutti quelli che hanno in salvo de le robe et beni preditti, over hanno comprado, debano per tutto luni proximo venir a denontiar et portar quelle, sotto pena de la forza, *ut supra*. Passato veramente tutto luni, quelli che accuserano i delinquenti parteci, che hanno over averanno notitia de le cose preditte, et non averanno obedito, aranno el quarto de tutto quello che per suo mezo sarà recuperato, et sarà tenuto secreto, et se uno compagno partecipe over conscio acuserà l'altro delinquente, sarà libero da la pena, et averà el quarto de tutto quello sarà per suo mezo recuperato.